

CIUDADANO GUADELUPE BOEKHOUDT TA CELEBRA 105 AÑA DI EDAD



ORANJESTAD (AAN) --
Redactor di DIARIO por a
papia un rato durante di un

entrevista teni ayer tardi na
St. Michael Paviljoen na
Playa, cu un ciudadano di nos

comunidad cu awe ta celebra
su hacimento di aña.

Ta trata di e cabayero
Guadalupe Boekhoudt.
Boekhoudt kende a worde
treci pa un Broeder den un
rolstoel pa su entrevista na
Paviljoen, awe a cumpli 105
aña cu ta un respetable y
bunita edad.

Masha poco hende den nos
comunidad ta alcanza un edad
halto asina y esaki ta un ber-
dadero bendicion di Dios.

Guadalupe Boekhoudt, ta un
di nos grandinan cu a mira
hopi sucesonan di pasado y te
hasta por a menciona algun di
nan.

Cu hopi cariño Guadalupe
Boekhoudt ta worde yama na
Paviljoen Buchi, Shon Coco
y Pachi Kuku pa esnan cu ta
stime y ta trata cune, special-
mente su yiu muher cu ta
bishite tur mainta y algun fa-
miliar y conocir.

Shon Kuko a splica cu su
bista a bay hopi atras y a papia
masha poco palabra durante
di e entrevista pa DIARIO,
aunke segun su demas com-

pañeronan na Paviljoen e ta
gusta combersa hopi.

Guadalupe Boekhoudt ta
hende di Ayo y ta manda un
mensahe di confraternidad
cortico pero hopi importante
pa Pueblo di Aruba.

Esaki a sosode ora cu
DIARIO a puntra Sr.
Guadalupe Boekhoudt si e tin
algun mensahe pa e lectornan
y Pueblo di Aruba y el a con-
testa cu :

"Nos tur mester trata bon cu
otro y cu hopi pasenshi y
amor un pa otro, manera ber-
dadero rumannan y ta Dios so
sa tur cos y E tin contesta pa
tur cos".

Pachi por corda cu el a pasa
den tur malo y tur bon, pero
sempre cu pasenshi hopi si-
tuacion por worde regla.

Pachi Boekhoudt ta sigur cu
Dios so sa tur cos y ta E ta
Esun cu por guia nos destino
y cu nos no mester perde esey

for di bista.

Tambe e ta al tanto cu awe
tin un eclipse total di solo y cu
despues di merdia lo bay bira
scur, scur segun e mes a bisa
DIARIO, y net riba dia 26 di
Februari fecha di su
hacimento di aña.

DIARIO pa e medio aki kier
a manda palabranan di felici-
tacion pa Sr. Guadalupe
Boekhoudt, y cu Guadalupe
hunto cu su famia, conocir-
nan y demas compañeronan
di St. Michael Paviljoen por
pasa un dia feliz.

Pa e medio aki tambe fa-
mianan y conocirnan ta
worde invita pa asisti na un
Santo Sacrificio di Misa, awe
mainta pa 9:30 'or na St. Mi-
chael Paviljoen y despues lo
sigui un brindis na unda cu
hunto cu su compañeronan
por brinda pa su salud y mas
añanan di bida. Masha pabien
cu e 105 aña di edad.



SETAR ANUNCIO IMPORTANTE

Servicio di Telecomunicacion di Aruba,
Setar ta participa cu debi cu cuenta di
telefon celular di luna di januari 1998 no
ser entrega debidamente na tempo na su
abonadonan e ultimo fecha di pago cu ta
27 di januari 1998 a ser posponi te cu:
DIARANSON 4 DI MAART 1998

Abonadonan cu no a ricibi cuenta ainda,
por pasa busca un copia na Setar su
oficina di administracion na Seroe Blanco.
Despues di fecha ariba menciona Setar lo
cobra gastonan administrativo
correspondiente.

Setar ta pidi comprension pa e situacion
aki.

Tots4us

Wilhelminastraat #81 Tel: 822207

*lo ta habri awe Diahuebs 26
di Februari 1998 te cu 12:30
merdia despues nos ta sera y
nos lo habri bek Diabierna,
27 di Februari 1998.*

*Danki di Antemano,
Gerencia*



is seeking

MARKETING REPRESENTATIVES

Lots of inventory and money to be made
Come and join the best team
and make your dream come true

Are you Dynamic and
Energetic, like to
work with Tourist,
A team person, speak
English & Spanish.

The Company will provide
Experience training,
medical benefits, income
guarantee, working materials,
attractive commissions.

CALL US TODAY 826550 AND ASK FOR ROXANNE

**TELEFONNAN DI DIARIO
826747- FAX 828551**